

**An plurimis in morbis, praestantissimum sit chirurgiae subsidium,
bronchotomia : dissertatio anatomico-chirurgica.**

Contributors

Gay, Alexandre.
Gallée, Pierre François, -1831.
Royal College of Surgeons of England

Publication/Creation

[Paris] : Ex typis Clousier, 1789.

Persistent URL

<https://wellcomecollection.org/works/u8huuhpy>

Provider

Royal College of Surgeons

License and attribution

This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

13 58.

AN PLURIMIS IN MORBIS,

PRÆSTANTISSIMUM SIT CHIRURGIÆ SUBSIDIUM,

BRONCHOTOMIA.

D I S S E R T A T I O

ANATOMICO-CHIRURGICA,

*Die Lunæ , 14^a Septembris anno R. S. H. 1789, à
sesqui-secundâ post meridiem ad septimam.*

DISCUSSIONA.

P A R I S I S ,

IN REGIIS CHIRURGORUM SCHOLIS.

P R O A C T U P U B L I C O ,

E T M A G I S T E R I I L A U R E A .



Ex Typis CLOUSIER, Regis & Regii Chirurgiæ Collegii, Typographi,
via Sorbonæ.

M. DCC. LXXXIX.

CELEBERRIMO VIRO
CHIRURGIÆ MAGISTRO PERITISSIMO
D.... CLAUDIO PIPELET

N A T U M A J O R I ,

ACADEMIÆ REGIÆ CHIRURGIÆ CONSILIARIO ET NUPER DIRECTORE;

NEC NON IN REGIÆ FAMILIÆ PRÆPOSITURA CHIRURGO.

*Has suorum laborum primitias in perpetuum venerantis & grati animi
monumentum*

DICAT , VOVET , CONSECRAT

A. L. GAY , Chirurgiæ Candidatus.



DISSERTATIO DE BRONCHOTOMIA

INTER se adeò consentiunt vitales functiones ut mutuam sibi opitulentur opem, & ex illis una dum patitur vel aboletur, male peranguntur vel cessant omnes: non mirum igitur si graviter læsa respiratione periclitetur vita; talis est tamen hujusce functionis cum objectis externis relatio, ut singulis existentiæ momentis millè modis vitiari possit; maximi igitur est momenti varias causas liberum respirationis exercitium impedientes ut præcaveantur tollantur ve, cognoscere, eas verò singulatim non exponemus, de præcipuis enim obstaculis facili aeris ingressui in pulmones obstantibus & de bronchotomiæ seu fistulæ pulmonalis incisionis, utilitate, ad illa sublevanda, tantummodo nobis differendum incumbit; antequam autem ad particularia deveniamus & ad promptiore rationum nostrarum conceptionem, structuram anatomicam partium breviter & duntaxat

A

2

quantum ad nostrum hoc propositum pertinet, ad memoriam revocare supervacuum non erit.

ASPERA arteria ductus est Cartilaginosus & membraneus antè vertebras cervicales & œsophagum positus, ab inferiori parte laryngis ad pulmones protensus, supernè unicus, infernè vero propè secundam dorsi vertebram in duos dividitur ramos, bronchiorum nomine donatos, quorum uteique se ad pulmonem sui lateris confert, & alterius generis vasorum socius, omnes hujus visceris partes plurimis percurrit subdivisionibus.

CIRCELLI Cartilaginosi anterius convexi, mediante membrana elastica inter se uniti, asperam arteriam antrorsum efformant, fibræ musculares transversim dispositæ, extremitatibus cartilagineum adhærentes, eanidem retrorsum constituunt.

IN bronchiis eadem reperitur structura, nisi ultimæ illarum distributiones, evidenter membranaceæ, excipientur.

CAVEA Cartilaginea, asperæ arteriæ cuius est principium infernè ligata, pharingi supernè respondens, larynx dicitur: quinque instituitur cartilaginibus, quarum major tyroidea denominata anteriorem & superiorem partem facit, altera Cricoides nomine designatur & basim efformat, duæ aritenoideæ vocatae retrorsum suprà cricoideam locantur, ultima tandem est epiglottis, retrorsum cava, antrorsum convexa, tyroideæ cartilagini, linguæ, ossi livoideo, annexa, aditum laryngis superiorem claudit.

Hæ cartilagine variis ligamentis inter se cum mobilitate nectuntur, ex his duo paria notanda maximè veniunt quæ interiùs a cartilaginibus arytenoideis in thyroidea faciem posticam extenduntur, inter hæc duo ex utraque parte spatum oblongum existit quod laryngis ventriculum vocant. Rima ellyptica epiglottide operata quam glottidem dixerunt, a dextris lava sejungit.

GLANDULA ex plurimis acinis composita quæ thyroidea nuncupatur, musculi sternohyodei, omoplato hyodei, crico

thyroidei, laryngei, his cartilaginibus & fistulae pulmonali anteriori & lateraliter insident.

VASA sanguifera has partes irrorantia, a thyroideis, bronchialibus, nervi ab octavo pare & intercostali oriuntur.

CANALIS maximè dilatabilis, variis tunicis fibrisque muscularibus compositus, a pharynge ad ventriculum extensus obliquè, œsophagi nomen habet. Parte suâ anteriori tracheæ arteriæ & intervallo posteriori utriusque pleuræ, posticâ vero cervicalibus primisque dorsalibus vertæbris, respondet.

VASA sanguinea multa sunt, a thyroideis, bronchialibus, pericardinis, aortæ truncо, coronaria ventriculi, veniunt.

NERVOS octavum par generat.

Hæc de anatomiâ satis sunt ut ex dictis clarè pateat plurimis in casibus transitum naturalem aeris per glottidem, impeditri posse, sit in exemplum enim verò angina inflammatoria in laryngem vi irruens, in hac velum palati mobile, uvula, tonsillæ membrana laryngis interna & partes ambientes eodem argentur morbo, quem perpetuum salivæ stillicidium comittatur, tunc glottis ponè linguam, quam ægri quandoque instar canum exerunt, in faucibus anteriori sita non liberè patescit, vox sibilans evadit, dolor est acerbus ac lacinans, difficile inspirat & deglutit æger, potus ad nares regurgitat, febris ardet; ad venæ sectiones & varii generis topica recurritur, purgantibus, enematibusque subdicitur alvus, subacida propinantr, diæta rei accommodata præscribitur, hirudinum vesicantium & cucurbitularum applicatione tentatur derivatio mali, sed frustrà! non remittuntur, sed potius ingravescent accidentia, respiratio frequens & parva summa cum molamine peragit, indè sanguinis per pulmones circulatio difficultis, pessimaque illius necessaria consectaria: aeris beneficio orbatus æger, imminet suffocatio ineluctabilis, & de illo conclammatum est, nisi salutari ferro prudenter armata Chirurgi manus, promptam afferat opem, factitiam descensui aeris in pulmones, bronchotomiâ parando viam, donec natura & ars in unum conspirantes, morbum tam periculosum solverint,

SATIS superque igitur demonstratur laryngotomiæ necessitas in angina inflammatoria , vi intensissima laryngem urgente (A) & specialius his inhærere nihil juvaret.

HABEMUS nunc explanandam hujus-ce operationis beneficiorum extensionem , nequaquam enim animo fingendum illam , excepto uno morbo , ad alios omnes prorūs esse inutilem , tot periculis committitur homo , tam fragilis ipsius machina , ut functio cuius exercitium ad vitam sustinendam absolutè necessarium est , in quibusdam casibus ad stygias umbras eum demittere valeat , de deglutitione dico , seu de variorum corporum ex ore in ventriculum intromissione , ex his alia sunt mollia , majori minorive facilitate deglutiuntur , solida alia , ut ossa , nummi aurei vel argentei , alteriusve speciei , in angusta viarum quandoque pertinaciter hærent , nec in stomachum detrudi , nullisque mediis viis naturalibus foras attrahi possunt , tum læditur respiratio ut patebit œsophagi situm , structuramque asperæ arteriæ posticam , in mentem revocando : nonne etenim istius expansio nimia , partem hujus musculosam comprimendo , suos diametros minuit , idcirkòque respirationem reddit laboriosam , in his rerum angustiis , acerbus existit dolor , impossibilis est deglutitio , febris & inflammatio adaugentur , in pejus ruit malum , vix spiritum trahit , & in summum discrimen adducitur ægrotus ; non cunctandum si periculo eum expedire desideres ; unicum datur , medium , tolle causam , non ultrà fas trepidandum , œsophagotomiam celebres , natura præsertim monstrante viam , maxima spes salutis astulget , artem experientia fecit & non semel feliciter successit hæc salutifera operatio , (B) quæ tamen uno temporis puncto

(A) Binard Chirurgus parisiensis trachætomiam maximo cum successu instituit , angina inflammatoria pistorem suffocante . vid. Verduc Chirur. Edit. tert....

Nicol. Habicot. adeas Dissert. de bronchotomiâ Bauchot , tom. 4. act. Acad. Reg. Chirurg. pag. 507. Virgili... tom. prim. act. Acad. Reg. Chirurg. Georg Martin apud vuansvieten. comment. in aphor. boerrha... tom. secund. pag. 626 , eamdem operationem eâ de causâ feliciter celebrarunt

(B) Goursault Acad. Reg. Chirurg. directoris ejusdem nominis , parens , Rouland Chirurgus militarius , œsophagum prosperè abscederunt ad extraenda ossa , in hoc canale pertinaciter hærentia tom. tert. act. Acad. reg. hirurg . pag. 14.

perfici non potest, itaque nedum manum operi admoveat Chirurgus, pulmonis cerebrique infarctu pereat æger, res postulat ut primùm per fistulæ pulmonalis incisionem, respirationis restituatur libertas. (A)

EAMDEM operationem expostulant diversi tumores, linguae, tonsillarum, uvulae, epiglottidis, laryngis, transitum aeris per glottidem denegantes, medicamentaque vincentes; hanc verò contra doctissimorum virorum placita, noxiam vel saltem inutilem in aqua submersis, judicamus.

NEQUE hic immorandum, si quantum humanitati læsæ fert suppetias trachæotomia scire, sit animus, hæc enim operatio cùm in vias aeras corpora extranea non solubilia, ut faba, (B) boleti frustum, (C) nummus aureus, (D) ossiculum (E) intromittuntur, ægros morti arripere eosque sanitati reddere valet, in confessio est enim vero apud omnes prædictarum partium capacitatem, corporis externi præsentia imminui, hinc irratio, inflammatio, tussis vehemens & sicca, respirandi difficultas, sanguinis in pulmonibus, cerebro, aliisque visceribus ingurgitatio, brevi tempore recrudescunt accidentia, vasa

(A) Habicot asperæ arteriæ incisione ad vitam revocavit adolescentem neci proximum, propter nummos aureos, numero novem, in œsophagum per deglutitionis conatum sponte conglobatimque immissos, descensum aeris in pulmones impeditentes. Hab. in dissertatione de bronchotomiâ typis mand. anno 1620.

(B) Ravius olim, vid. Heist. Chirurg. tom. secund. D. Petit Chirurgus jesedensis, anno 1787, e trachæ arteria fabas faustè exciderunt.

(C) Boleti cocti frustum secundo successu extraxit Heisterus. Heist. Chirurg. tom. secund. pag. 674.

(D) Ad bronchotomiâ celebrandam Chirurgos vocatos repetito sed vano Conamine nuper incitabat Dominus Louis, celebri famâ, nullum per ævum periturâ, in orbe laudatus, ad extrahendum nummum aureum, post mortem, in viis aeris repertum.

(E) Legatur observatio, de ossiculo feliciter è fistula pulmonali extracto in tract. Chirurg. patholog. Verduc, quint. Ed. anno 1717. Dimidjam mandibulæ piscis partem, in tubum aereum pueri, duobus annis nati, introducitam, faustissimo citoque eventu, res miranda, per bronchotomiæ operationem nuperrimè extraxit, Dominus Pelletan, scholarum moderator, omni cognitionum genere, & imprimis anatomiae & Chirurgiae scientiâ insignis.

Sanguinea aeræave (A) rumpuntur, ac proh dolor! immeabili sanguine, pulmone infarcto, suffocatur circulatio & certus est ægrotantis interitus.

Quid igitur in his impendentibus periculis agendum supereft, en paucis habe: generalibus remediis in quibus non nimis sperandum, priùs incassum praestitis, non amplius ambigendum, urgente malo, urget auxilium, agoniam curandi ad agendum ne timidus contemplator expectes; omnibus ad operationem præparatis, aspera arteria, dispari modo, prout ad intromissionem aeris in pulmones, vel ad corporis extranei extractionem celebrabitur trachæotomia, est aperienda, in primo casu, membrana, tyroideam inter & cricoideam cartilagineam, media, scalpello est incidenda, in incisionemque cannula apta, immittenda, hancque mediantibus filis per annulos lateraliter inditos transmissis, stabilem & fixam efficies, cautè cavendo ne fistulæ pulmonalis parietes istius contactu lœdantur irritentur ve; in secundo casu quatuor vel quinque circelli cartilaginei, pro re nata, excidendi sunt, tuncque aer per vulnus cum murimure transibit, & Chirugo stupente, sèpè sèpiùs foras amandabitur nocivum corpus, hoc tamen si reconderet larynx, neque volfelli, penicilli ve (B) rei accommodati ope, extrahi nec expelli posset, illius cartilagines anteriores longitudinaliter secando, fiderter perficienda foret operatio quæ nullum post se trahit periculum grave (C); quibus peractis, respirationis reddetur libertas, remittentur & mox evanescent accidentia, adhibitisque fascitatione & situ debitiss, vulneris labia ociùs tardiusve pro incisionis

(A) Et tunc per textum pulmonis cellularem viam sibi aer, & emphysema in parte colli inferiore, ponè claviculas, nonnunquam exsurgit ut primus annotavit D. jam laudatus Louis acad. reg. Chirurg. tom. iv.

(B) hoc ultimum medium non dubio successu nuper adhibuit sup. laud. D. Pelletan nosocomii Collegii nostri Chirurgus primarius.

(C) Hanc operationem prospero eventu celebravit D. Pelletan Schjarum Professor regius, judicium cuius acutum improvisas placidò superat difficultates.

magnitudine; æ gri temperamento ac cæteris conditionibus coalescent, brevi que tempore vigebit sanitas. (A)

ERGO trachæotomiæ utilitas in malis supra dictis semper laudanda, faustissimis successibus magis ac magis in dies confirmabitur, ergo plurimis in morbis præstantissimum est Chirurgiæ subsidium bronchotomia.

HANC dissertationem, Deo juvante & Preside M. Petro Francisco Gallée, artium liberalium, & è Collegio Academiâ que Regiâ Parisiensi Chirurgiæ, Magistro, nec-non in alma Andegaveni universitate Doctore Medico, tueri conabitur Alexander Gay è villa franca, apud ruteros, oriundus, præclaræ artium facultatis in celeberrimâ universitate Parisiensi, Magister, nuper in Schola practica Chirurgiæ alumnus, dissertationis auctor.

(A) Plura quæris? adeas dissertationes celeberrimi D. Louis in quibus non minus doctè quam fusè, examinantur quæ trahætomiam spectant acad. reg. Chirurg. tom. iv. Domini Perilhe pro actu publico & magisterii laurea, propugn. in regiis Chirurg. scholis anno 1768, D. Louis præside, in qua altissima authoris eruditio, mirabile judicium, jam prospiciebantur.

F I N I S.

